

Broj:03-2-24/3-1948-2/17 S.Š.  
Sarajevo, 24.11.2017. godine

## FEDERACIJA BOSNE I HERCEGOVINE OPĆINAMA – SVIMA n/r Načelnika

**PREDMET:** Molba za pomoć u obavještanju proizvođača voća o osnovnim podacima u vezi sa sirćetom mušicom plodova, tražimo

Poštovani/e,

Obzirom na pozitivno iskustvo iz 2014. godine o Vašoj pomoći u obavještanju obaveznika upisa u Fitoregistar, ovom prilikom Vam se ponovo obraćamo za pomoć a ovog puta u obavještanju proizvođača voća o osnovnim podacima u vezi sa sirćetom mušicom plodova - *Drosophila suzukii* (Matsumura, 1931).

Naime, prisustvo štetnog organizma *Drosophila suzukii* utvrđeno je 2015. godine na određenim lokalitetima u pet kantona Federacije BiH – HNK, ZHK, SBK, ZDK i KS, a nedavno je laboratorijskim testiranjem uzoraka iz biljnog materijala obavljenim u FAZ Mostar potvrđeno njegovo prisustvo i na području USK-a, općina Bihać, lokalitet Ceravci.

Postupajući u skladu sa svojim nadležnostima, ovo Ministarstvo je 2016. godine izradilo i na svoju web stranicu postavilo obavještenje o prisustvu štetnog organizma sa osnovnim podacima i mjerama njegovog suzbijanja, a nakon potvrđivanja prisustva i na području USK, obavještenje je dopunjeno. Na ovaj način je potrebne informacije učinilo dostupnim svim fizičkim i pravnim licima - vlasnicima bilja (posjednicima, proizvođačima, trgovcima, skladištarima), organizacijama i službama koji se bave proizvodnjom voća i zaštitom bilja.

U nastojanju da upozori što veći broj proizvođača na prisustvo ove mušice u Federaciji BiH, na mogućnost izazivanja veće ekonomske štete te da ih upozna sa jednostavnom metodom ulova odraslih insekata, Ministarstvo je izradilo kratki letak sa opisom načina izrade mamaca (klopki), vremenom i načinom njihovog postavljanja te načinom uništavanja zaraženih plodova.

U vezi naprijed navedenog, u prilogu Vam dostavljamo pomenuti letak sa molbom da se isti isprinta u određenom broju i postavi na više mjesta u Općini (kod kancelarija u kojima se vode RPG i RK, na oglasnoj ploči, ulaznim vratima općine i sl.). Ovo Ministarstvo se sa sličnim zahtjevom već obratilo Federalnoj upravi za inspekcijske poslove, Federalnom zavodu za poljoprivredu Sarajevo i Federalnom agromediteranskom zavodu Mostar.

S poštovanjem,

MINISTAR  
  
M. Dedić  
Šemsudin Dedić

Dostavljeno:

1. Naslovu, svima,
2. Sektoru za poljoprivredu i prehrambenu industriju, Sarajevo
3. Arhivi.